

বাংলাদেশ নির্বাচন কমিশন
নির্বাচন কমিশন সচিবালয়
নির্বাচন ভবন, আগারগাঁও, ঢাকা
www.ecs.gov.bd

জনসংযোগ অধিশাখা

নং-১৭.০০.০০০০.০৮০.১৭.০০৫.২৩-৩৭৯

তারিখ: ২১/১১/২০২৩

বিজ্ঞপ্তি

গণপ্রতিনিধিত্ব আদেশ, ১৯৭২ এর ২৭ অনুচ্ছেদ অনুযায়ী এতদ্বারা সংশ্লিষ্ট সকলের অবগতির জন্য জানানো যাচ্ছে যে, যাদের নাম ভোটার তালিকায় অন্তর্ভুক্ত আছে এইরূপ নিম্নোক্ত ব্যক্তিবর্গ পোস্টাল ব্যালটের মাধ্যমে ভোট প্রদান করতে পারবেন-

- (ক) কোন ব্যক্তি বাংলাদেশের কোন জেলখানায় বা অন্য কোন আইনগত হেফাজতে আটক থাকলে,
- (খ) কোনো ব্যক্তি তিনি যে ভোট কেন্দ্রে ভোট প্রদানের অধিকারী সেই কেন্দ্র ব্যতীত অন্য কোনো ভোট কেন্দ্রে নির্বাচন সংক্রান্ত কোনো দায়িত্ব পালনের জন্য নিযুক্ত থাকলে ; এবং
- (গ) বিদেশে বসবাসরত কোনো বাংলাদেশি ভোটার।

এইরূপ ভোট প্রদানের অধিকারী কোনো ব্যক্তি পোস্টাল ব্যালটে ভোট প্রদানে ইচ্ছুক হইলে- নিম্নবর্ণিত পদ্ধতিতে ভোট প্রদান করতে পারবেন-

- (১) নির্বাচনের তফসিল ঘোষিত হওয়ার তারিখ হইতে পনেরো দিনের মধ্যে সংশ্লিষ্ট রিটার্নিং অফিসারের নিকট আবেদন করতে হবে ;
- (২) তিনি যে নির্বাচনি এলাকার ভোটার, সেই এলাকার রিটার্নিং অফিসারের নিকট পোস্টাল ব্যালটে ভোট প্রদানের উদ্দেশ্যে একটি ব্যালট পেপারের জন্য আবেদন করবেন এবং অনুরূপ প্রত্যেক আবেদনে ভোটারের নাম, ঠিকানা এবং ভোটার তালিকায় তাহার ক্রমিক নম্বর সুস্পষ্টভাবে উল্লেখ থাকবে।
- (৩) রিটার্নিং অফিসার কোনো ভোটারের আবেদন প্রাপ্তির পর, অনতিবিলম্বে উক্ত ভোটারের নিকট ডাকযোগে একটি পোস্টাল ব্যালট পেপার এবং একটি খাম প্রেরণ করবেন, যে খামের উপর তারিখ প্রদর্শন করত সাটিফিকেট অব পোস্টিং এর একটি ফরম থাকবে, যা ভোটার কর্তৃক ডাকে প্রদানের সময় ডাকঘরের উপর্যুক্ত কর্মকর্তা-কর্মচারী কর্তৃক পূরণ করা হবে।
- (৪) কোনো ভোটার পোস্টাল ব্যালটে ভোট প্রদানের জন্য তার ব্যালট পেপার প্রাপ্তির পর, নির্ধারিত পদ্ধতিতে, তাহার ভোট রেকর্ড করিবার পর ব্যালট পেপারটি তার নিকট প্রেরিত খামে ন্যূনতম বিলম্বের মধ্যে রিটার্নিং অফিসারের নিকট ডাকযোগে প্রেরণ করবেন।

রিটার্নিং অফিসার নির্ধারিত সময়ের মধ্যে প্রাপ্ত ব্যালটের ফলাফল মূল ফলাফলের সাথে যোগ করে চূড়ান্ত ফলাফল ঘোষণা করবেন। এ বিষয়ে বিদেশে অবস্থিত বাংলাদেশ দূতাবাস/হাই কমিশনসমূহ প্রয়োজনীয় সহযোগিতা প্রদান করবেন।

২১/১১/২৬

(মোঃ শরিফুল আলম)
পরিচালক (জনসংযোগ)
ফোনঃ ৫৫০০৭৫২০

দশম অধ্যায়
পোস্টাল ব্যালটে ভোটদান

গণপ্রতিনিধিত্ব আদেশ, ১৯৭২ এর বিধান অনুসারে জাতীয় সংসদ নির্বাচনে ডাকযোগে পোস্টাল ব্যালটের মাধ্যমে ভোটাধিকার প্রয়োগের বিধান রয়েছে। পোস্টাল ব্যালটের মাধ্যমে ভোটাধিকার প্রয়োগে যোগ্য ভোটার এবং ভোটদান প্রক্রিয়া নিম্নরূপ:

২। **পোস্টাল ব্যালটে ভোটদান:** গণপ্রতিনিধিত্ব আদেশ, ১৯৭২ এর ২৭ অনুচ্ছেদে জাতীয় সংসদ নির্বাচনে নিম্নরূপ ব্যক্তিবর্গের পোস্টাল ব্যালট- এর মাধ্যমে তাদের ভোটাধিকার প্রয়োগের বিধান রয়েছে:

- (ক) ভোটার তালিকা আইন, ২০০৯ এর ধারা ৮ এর উপ-ধারা (৩) এবং (৫) এ বর্ণিত ব্যক্তিবর্গ;
- (খ) কোন ব্যক্তি তিনি যে ভোট কেন্দ্রে ভোট দেয়ার অধিকারী সে কেন্দ্র ছাড়া অন্য কোন ভোট কেন্দ্রে নির্বাচন সংক্রান্ত কোন দায়িত্ব পালনের জন্য নিযুক্ত আছেন;
- (গ) বাংলাদেশী ভোটার বিদেশে বসবাস করলে।

[গণপ্রতিনিধিত্ব আদেশ, ১৯৭২ এর অনুচ্ছেদ ২৭ এবং ভোটার তালিকা আইন, ২০০৯ এর ধারা ৮ এর সংশ্লিষ্ট অংশের কপি পরিশিষ্ট-৩]

৩। **পোস্টাল ব্যালটে ভোট দানের জন্য আবেদন:** ভোটদানের জন্য (ক) দফায় উল্লিখিত ব্যক্তিবর্গ কমিশন কর্তৃক নির্বাচনি সময়সূচির প্রজ্ঞাপন ঘোষণার দিন হতে ১৫ (পনের) দিনের মধ্যে পোস্টাল ব্যালটের মাধ্যমে ভোটদানের জন্য রিটার্নিং অফিসারের নিকট বিধি অনুসারে আবেদন করতে পারবেন এবং নির্বাচনের কাজে নিযুক্ত ব্যক্তিগণকেও নির্বাচনি কাজে নিয়োগপ্রাপ্ত হওয়ার সাথে সাথে সংশ্লিষ্ট রিটার্নিং অফিসারের নিকট আবেদন করতে হবে।

৪। **আবেদনপত্র প্রাপ্তির পর করণীয়:** রিটার্নিং অফিসার উল্লিখিত আবেদন

প্রাপ্তির পর পরই সংশ্লিষ্ট ভোটারের নিকট একটি পোস্টাল ব্যালট পেপার এবং তৎসংগে একটি খাম প্রেরণ করবেন। উক্ত খামের উপর ভোটার কর্তৃক যথারীতি পূরণকৃত খামটি ডাক বিভাগের উপযুক্ত কর্মকর্তার দ্বারা সার্টিফিকেট অব পোস্টিং এর মাধ্যমে ডাকযোগে প্রেরণের প্রত্যয়নসহ তারিখ উল্লেখ থাকবে। সার্টিফিকেট অব পোস্টিং এর মাধ্যমে পোস্টাল ব্যালট পেপার গ্রহণ এবং চিঠির উপর এ সম্পর্কে রাবার স্ট্যাম্পের সিল ব্যবহার করতে হবে। রিটার্নিং অফিসার সাথে সাথে ডাকযোগে ভোট দানের যোগ্য ব্যক্তিগণের নিকট পোস্টাল ব্যালট পেপার প্রেরণ করবেন এবং নিম্নোক্ত কার্যাদি সম্পন্ন করবেনঃ

- (ক) যার নিকট ব্যালট পেপার প্রেরণ করা হবে তার নাম, সংশ্লিষ্ট নির্বাচনি এলাকার নাম এবং ভোটার তালিকায় বর্ণিত ক্রমিক নম্বর ইস্যুকৃত ব্যালট পেপারের মুড়িপত্রে লিপিবদ্ধ করবেন।
- (খ) উল্লিখিত ভোটার সংশ্লিষ্ট ভোটকেন্দ্রে যাতে ভোট প্রদান করতে না পারেন তা নিশ্চিত করবেন।
- (গ) ডাকযোগে ব্যালট পেপার প্রেরণ ও প্রাপ্তির নিশ্চয়তা বিধানের লক্ষ্যে সংশ্লিষ্ট কর্মকর্তা ও কর্তৃপক্ষকে বিশেষ নির্দেশনা প্রদান করতে হবে।

৫। ভোটারের নিকট প্রেরিতব্য দ্রব্যাদি: রিটার্নিং অফিসার ব্যালট পেপারের সাথে নিম্নে বর্ণিত খাম ও কাগজপত্রাদি ভোটারের নিকট প্রেরণ করবেনঃ-

- (ক) ফরম-৮ এ একটি ঘোষণাপত্র;
- (খ) ফরম-৯ এ একটি খাম;
- (গ) ফরম-১০ এ রিটার্নিং অফিসারকে সম্মোধনকৃত একটি বড় খাম;
- এবং
- (ঘ) ফরম-১১ এ ভোট প্রদানের নির্দেশাবলী।

৬। ব্যালট পেপারের মুড়িপত্রসহ অন্যান্য দ্রব্যাদি যথাযথ সংরক্ষণ: পোস্টাল ব্যালটের মাধ্যমে ভোট দেয়ার যোগ্য সকল ভোটারের নিকট ব্যালট পেপার প্রেরণ করার পর রিটার্নিং অফিসার প্রেরণকৃত সকল ব্যালট পেপারের

মুড়িপত্র একটি প্যাকেটে সিলগালা করে রাখবেন এবং প্যাকেটের উপর রক্ষিত কাগজপত্রাদির একটি সংক্ষিপ্ত বর্ণনা, নির্বাচনি এলাকার নম্বর, নাম এবং সিলগালা করার তারিখ লিপিবদ্ধ করে রাখবেন।

৭। **পোস্টাল ব্যালট পেপারে ভোট প্রদান:** পোস্টাল ব্যালট পেপারে ভোট প্রদানের ক্ষেত্রে ভোটার যে প্রতিদ্বন্দ্বী প্রার্থীকে ভোট দিতে ইচ্ছুক ব্যালট পেপারে তার নাম বা প্রতীকের জায়গায় কলম দিয়ে টিক (✓) চিহ্ন দেবেন। ব্যালট পেপারে চিহ্ন প্রদান করে ফরম-১১ এ প্রদত্ত নির্দেশনাবলী অনুসরণপূর্বক ব্যালট পেপারটি নির্ধারিত খাম (ফরম-৯) এর ভিতরে রাখবেন। অতঃপর ব্যক্তিগতভাবে ভোটারের পরিচিত এমন অন্য কোন ভোটারের সম্মুখে ভোটার ফরম-৮ এর ঘোষণাপত্রে স্বাক্ষর করবেন এবং তিনি তার স্বাক্ষর উক্তরূপ ভোটার দ্বারা প্রত্যয়িত করে নিবেন।

৮। **নিরক্ষর বা অসমর্থ ভোটারকে সহায়তা প্রদান:** যদি কোন ভোটার নিরক্ষর হন বা শারীরিক প্রতিবন্ধিতার কারণে পোস্টাল ব্যালট পেপারে ভোট চিহ্ন প্রদান করতে ও ফরম-৮ এ ঘোষণাপত্রে স্বাক্ষর করতে অসমর্থ হন, তা হলে তিনি অন্য কোন ভোটার দ্বারা ব্যালট পেপারে তার ভোট চিহ্ন প্রদান করাতে এবং তার ঘোষণাপত্রে স্বাক্ষর করাতে পারবেন। অতঃপর উক্ত ভোটার নিরক্ষর ভোটারের ইচ্ছানুযায়ী তার সম্মুখে এবং তার পক্ষে ব্যালট পেপারে চিহ্ন প্রদান ও ঘোষণাপত্রে স্বাক্ষর করবেন এবং ফরম-৮ এ উল্লিখিত যথাযথ জায়গায় প্রত্যয়ন করবেন।

৯। **পোস্টাল ব্যালট পেপার পুনঃসরবরাহকরণ:** কোন পোস্টাল ব্যালট পেপার এবং এতদ্সংশ্লিষ্ট কাগজপত্র কোন কারণে বিলি না হয়ে ফেরৎ আসলে রিটার্নিং অফিসার পুনরায় তা ডাকযোগে প্রেরণ করতে পারবেন অথবা ভোটারের অনুরোধক্রমে তা তাকে ব্যক্তিগতভাবে সরবরাহ করতে বা করার ব্যবস্থা করতে পারবেন।

১০। **পোস্টাল ব্যালট পেপার ফেরৎ প্রদান:** ভোটার ব্যালট পেপারে চিহ্ন প্রদান ও ঘোষণাপত্রে স্বাক্ষর করে ফরম-১১ এ উল্লিখিত নির্দেশাবলী অনুসারে ব্যালট পেপার এবং ঘোষণাপত্র রিটার্নিং অফিসারের নিকট ফেরৎ দেবেন।

১১। **পোস্টাল ব্যালট পেপার প্রাপ্তি এবং রেজিস্টারে লিপিবদ্ধকরণ:** নির্ধারিত সময়ের মধ্যে প্রাপ্ত পোস্টাল ব্যালট পেপার ফলাফল একত্রীকরণে সামিল করবেন। নির্ধারিত সময় শেষ হওয়ার পর রিটার্নিং অফিসার যদি কোন ভোটারের নিকট হতে পোস্টাল ব্যালট পেপার সম্বলিত খাম প্রাপ্ত হন, তাহলে তিনি তা প্রাপ্তির তারিখ ও সময় লিপিবদ্ধ করে রাখবেন এবং অনুরূপ সকল খাম একত্র করে একটি আলাদা খামের ভিতর রেখে দেবেন। পোস্টাল ব্যালটের মাধ্যমে প্রেরিত ভোট গণনার ক্ষেত্রে নির্ধারিত সময় পর্যন্ত প্রাপ্ত ব্যালট পেপারসমূহ প্রাপ্তির তারিখ ও সময় এবং ভোটারের নামসহ এতদসংক্রান্ত বিবরণী ফরম ১২ অনুযায়ী একটি রেজিস্টারে লিপিবদ্ধ করবেন। রিটার্নিং অফিসার পোস্টাল ব্যালট পেপার গ্রহণের সময়সীমা অতিবাহিত হবার পর প্রাপ্ত মোট পোস্টাল ব্যালট পেপারের সংখ্যা প্রকাশ করবেন।



ফরম-৮

[বিধি ১১(২)(ক) দ্রষ্টব্য]

জাতীয় সংসদ নির্বাচন
ভোটদাতা কর্তৃক ঘোষণা

(ভোটদাতা স্বয়ং যথন ঘোষণাপত্র স্বাক্ষর করিবেন, কেবলমাত্র তখনই এই দিকটি ব্যবহার করিতে হবে)

আমি এতছুরা ঘোষণা করিতেছি যে, উপরিউক্ত নির্বাচনের উদ্দেশ্যে
ক্রমিক নম্বর সম্বলিত পোস্টাল ব্যালট পেপার যে ভোটদাতার নিকট প্রেরণ করা হইয়াছিল, আমিই সেই
বাস্তি।

ভোটদাতার নাম ও স্বাক্ষর

তারিখ:	ঠিকানা:
	গ্রাম/মহল্লা/রাস্তা
	ইউনিয়ন/পৌর এলাকার নাম
	উপজেলা/থানা
	জেলা
	ভোট তালিকায় ভোটার ক্রমিক নং

(স্বাক্ষর সত্যায়ন)

উপরিউক্ত ফরমটি(ভোটদাতা) আমার সম্মুখে স্বাক্ষর
করিয়াছেন। তিনি ব্যক্তিগতভাবে আমার সহিত পরিচিত* /আমার সহিত ব্যক্তিগতভাবে পরিচিত
.....(সনাক্তকারী) তাহাকে আমার সন্তোষমত সনাক্ত
করিয়াছেন।

সনাক্তকারী থাকিলে তাহার নাম ও স্বাক্ষর

ঠিকানা:

সত্যায়নকারী অফিসারের নাম ও স্বাক্ষর

তারিখ:

পদবী

ঠিকানা

(ভোটদাতা স্বয়ং স্বাক্ষরদানে অক্ষম হওয়ার ক্ষেত্রে প্রযোজ্য)

আমি এতদ্বারা ঘোষণা করিতেছি যে, উপরিউক্ত নির্বাচনের উদ্দেশ্যে.....
..... ক্রমিক নম্বর সম্বলিত পোস্টাল ব্যালট পেপার যে ভোটদাতার নিকট প্রেরণ করা
হইয়াছিল, আমিই সেই ব্যক্তি।

ভোটদাতার পক্ষে সত্যায়নকারী অফিসারের নাম ও স্বাক্ষর

তারিখঃ পদবী

কর্মস্থল

ঠিকানা :

প্রত্যয়নপত্র

আমি এতদ্বারা প্রত্যয়ন প্রদান করিতেছি যে,-

- (১) উপরে উল্লিখিত ভোটদাতা আমার সাথে ব্যক্তিগতভাবে পরিচিত*/আমার সন্তোষমতে আমার সাথে
ব্যক্তিগতভাবে পরিচিত(সনাত্তকারী) কর্তৃক সনাত্ত হইয়াছেন ;
- (২) আমি নিশ্চিত হইয়াছি যে, ভোটদাতা নিরক্ষর।*/ রোগে পঁঁগু এবং
স্বয়ং রেকর্ড করিতে বা ঘোষণাপত্রে স্বাক্ষর করিতে অক্ষম ;
- (৩) তিনি আমাকে ব্যালট পেপার চিহ্নিত করিবার জন্য এবং তাহার পদ হইতে উপরিউক্ত ঘোষণাপত্রে
স্বাক্ষর করিবার জন্য অনুরোধ করেন ; এবং
- (৪) তাহার উপস্থিতিতে এবং তাহার ইচ্ছা অনুসারে আমি ব্যালট পেপারে চিহ্নিত করিয়াছি এবং তাহার
পক্ষ হইতে ঘোষণাপত্রে স্বাক্ষর করিয়াছি।

.....
সনাত্তকারী (যদি থাকে) এর নাম ও স্বাক্ষর

তারিখঃ.....

ঠিকানা.....

* যেসব শব্দ প্রযোজ্য নয়, উহা কাটিয়া দিন।

ফরম-৯

[বিধি ১১(২)(খ) দ্রষ্টব্য]



ক

বাংলাদেশ নির্বাচন কমিশন

(গণনার পূর্বে খোলা যাইবে না)

জাতীয় সংসদ নির্বাচন

পোস্টাল ব্যালট পেপার

পোস্টাল ব্যালট পেপারের ক্রমিক নং
.....

ফরম-১০

[বিধি ১১(২)(গ) দ্রষ্টব্য]



খ

অতীব জরুরী

নির্বাচন অগ্রাধিকার

পোস্টাল ব্যালট পেপার

(গণনার পূর্বে খোলা যাইবে না)

নির্বাচনী এলাকার নম্বর ও নাম
.....

প্রত্যয়ন করা গেল যে, এই খাম বিলি
করার জন্য
.....

তারিখে পাওয়া গেল।
(তারিখসহ পোস্টাল সিল দিন)

প্রাপক

রিটার্নিং অফিসার

*
.....
.....

* এইখানে রিটার্নিং অফিসারের পূর্ণ ঠিকানা দিন।



১ ফরম-১১

[বিধি ১১(২)(ঘ) দ্বারা]

জাতীয় সংসদ নির্বাচন

পোস্টাল ব্যালট পেপারের মাধ্যমে ভোট প্রদানের উক্তিশে ভোটদাতার অবগতির জন্য নির্দেশাবলী

এই সংগে প্রেরিত ব্যালট পেপারে যাহাদের নাম মুদ্রিত হইয়াছে, তাহারা ব্যালট পেপারে উল্লিখিত নির্বাচনী এলাকার জন্য প্রার্থী। আপনি ভোট দিতে ইচ্ছুক হইলে যে প্রতিদল্লিপ্ত প্রার্থীর পক্ষে ভোট দিতে চান, তাহার নাম ও প্রতীক চিহ্নের স্থানে কলম বা পেন্সিলের সাহায্যে একটি টিক (✓) ছাড়া আপনার ভোট প্রদান করিবেন। অতঃপর আপনি নিম্নলিখিত নির্দেশাবলী পালন করিবেনঃ-

- (ক) ব্যালট পেপারে আপনার ভোট চিহ্নিত করার পর ব্যালট পেপারটি এই সংগে প্রেরিত 'ক' চিহ্নিত ক্ষুদ্রতর খামটিতে রাখুন; খামটি বক করুন এবং সীলমোহর করিয়া বা অন্যভাবে উহাকে নিরাপদ করুন।
- (খ) বিধি ১২ এর উপ-বিধি (৩) অনুসারে আপনার স্বাক্ষর সত্যায়ন করিবার মত যোগ্য কোন গেজেটেড অফিসার বা কমিশন্ড অফিসারের সম্মুখে এই সাথে প্রেরিত "ফরম ৮-এ" প্রদত্ত ঘোষণাপত্রে স্বাক্ষর করান।
- (গ) যদি নিরক্ষতা বা অক্ষমতার কারণে উপরে উল্লিখিতভাবে স্বয়ং ব্যালট পেপার চিহ্নিত ও ঘোষণাপত্র স্বাক্ষর করিতে অক্ষম হন, তাহা হইলে উপরে (খ) দফায় বর্ণিত যে কোন অফিসার কর্তৃক আপনার পক্ষে আপনার ভোট চিহ্নিত করাইতে ও ঘোষণাপত্র স্বাক্ষর করাইতে পারিবেন। এইরূপ একজন অফিসার আপনার অনুরোধে আপনার সম্মুখে ও আপনার ইচ্ছা অনুসারে ব্যালট পেপার চিহ্নিত করিবেন। আপনার পক্ষে তিনি প্রয়োজনীয় প্রত্যয়নপত্র প্রদান করিবেন।
- (ঘ) উপরে (খ) দফা মোতাবেক আপনার ঘোষণাপত্র স্বাক্ষর করার পর ও আপনার স্বাক্ষর সত্যায়িত করার পর ঘোষণাটি ও ব্যালট পেপার পূর্ণ 'ক' চিহ্নিত ক্ষুদ্রতর খামটি 'খ' চিহ্নিত বৃহত্তর খামের মধ্যে রাখুন। বৃহত্তর খামটি বক করার পর ডাকযোগে তাহা রিটার্নিং অফিসারের নিকট প্রেরণ করুন।
- (ঙ) আপনি অবশ্যই নিশ্চয়তা বিধান করিবেন যে, অনুচ্ছেদ ৩৭(১) মোতাবেক রিটার্নিং অফিসার কর্তৃক ফলাফল একত্রীকরণের জন্য নির্ধারিত সময়ের পূর্বে যাহাতে খামটি তাহার নিকট পৌছে।
- (চ) অনুগ্রহপূর্বক সম্মত রাখিবেন যে,

 - (১) যদি আপনি উপরে উল্লিখিতভাবে আপনার ঘোষণাপত্র সত্যায়িত করাইতে ব্যর্থ হন, তাহা হইলে আপনার ব্যালট পেপারটি নাকচ করা হইবে; এবং
 - (২) যদি ৩৭(১) অনুচ্ছেদ মোতাবেক রিটার্নিং অফিসার কর্তৃক ফলাফল একত্রীকরণের জন্য নির্ধারিত সময়ের পরে খামটি রিটার্নিং অফিসারের নিকট পৌছায়, তাহা হইলে আপনার ভোট গণনা করা হইবে না।

^১ এস আর ও নং ৩৫০- আইন/২০১৩, তারিখ: ১৪.১১.২০১৩ খ্রা প্রতিষ্ঠানিত।